



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Angela De Fvlginio, In Qvo Ostenditur Nobis vera via qua
possumus sequi vestigia nostri Redemptoris**

Angela <de Fulginio>

Parisiis, 1598

c. 68. De vltimis verbis & admonitionibus huius sanctæ per modum orationis: In quibus tractatur de mysterio incarnationis Christi: & de reliquis mysterijs Domini nostri vsque ad Ascensionem.

urn:nbn:de:hbz:466:1-43716

414 *De sanctissimo*
ne fine: & debet ire ad recipien-
dum, vt recipiatur: debet ire mū-
dus, vt mundetur, viuus, vt viuifi-
cetur, iustus, vt iustificetur, iun-
ctus, vt incorporetur cum ipso
Deo increato, & dulciter huma-
nato, & sit idem cum eo per infi-
nita secula seculorum.

*Sexagesimum octauum capitulum. De
vltimis verbis & admonitionibus
huius sancte per modum orationis:
in quibus tractatur de mysterio san-
ctissima incarnationis Christi. Et de
reliquis mysterijs Domini nostri vs-
que ad suam Ascensionem.*

HOc est vltimum scriptum
& vltima littera quæ fecit
sanctissima Angela de Fulginio
mater nostra antequam infirmare-
tur ad mortem, asserens tunc esse
vltimam litterarum: presciuit enim
suum fœlicem transitum longo tē-
pore ante. Vnde & cum magno
affectu hæc verba locuta est, &
quasi coegit scriptorē, scribere &

Et aliis myst. vsque ad Ascens. 415
dixit. O Deus meus fac me dignā,
vt possim cognoscere altissimum
mysterium tuum quod fecit ar-
dentissima charitas tua, id est al-
tissimum mysteriū tuæ sanctissi-
mæ incarnationis, quā fecisti pro
nobis, quę incarnatio fuit princi-
pium salutis nostræ. Ista autem
ineffabilis incarnatio facit nobis
duo. Primum quod implet nos *De incar-*
amore. Secundum est, quod red- *nati ne*
dit nos certōs de nostra salute. O *verbi.*
quam ineffabilis hæc charitas, su-
pra istam verè non est maior, quā
quod Deus meus omniū creator
fiat caro, vt me faceret Deum. O
amor euiscerate, teipsum exina-
nisti, & defecisti, vt me faceres:
formam vilissimi serui recepisti,
vt mihi decorem regium & diui-
num conferres: quando tamen
formā meā recepisti, nō sic fecisti
vt aliquid à tua substātia minue-
res, nec à tua deitate detraheres,
sed abyssus tuæ humillimæ incar-
nationis facit me dicere, & com-
pellit verba hæc euiscerata. O tu

incomprehensibilis, propter me
comprehensibilis. O increatus,
factus es creatura. O incogitabi-
lis, factus es cogitabilis. O impal-
pabilis, factus es potens palpari.

*Felix
culpa,
quomo-
do.*

O Domine fac me dignā videre
profundum huius altissimæ cha-
ritatis, quam nobis cōmunicasti
in ista incarnatione sanctissima.

O fœlix culpa (non tamen ex te:
sed ex Dei pietate) quæ meruisti
nobis ostendere occultissimum
diuinæ charitatis profundum,
quod nobis erat absconditum.

O in veritate, maiorē charitatem
ego cogitare non possum. O al-
tissime, fac me capacem ad intel-
ligendum hanc altissimam & in-
effabilē charitatem. O Domine,
quinque sunt mysteria, quæ pro
nobis fecisti, fac nos Domine ca-
paces ad intelligendum ipsa.

*Quin-
que my-
steria
pro nobis
Christus
fecit.*

Primum est mysterium tuæ san-
ctissimæ incarnationis. Secundum
est ineffabile mysterium tuæ do-
ctrinæ, exempli, pœnitentiæ, &
afflictionis. Tertium est mors

Et alius myst. vsque ad Ascens. 417
acerbissima tolerata pro nobis.
Quartū gloria tuæ Resurrectio-
nis. Quintum sublimatio tuæ
gloriosæ Ascensionis. Primum
est amor ineffabilis. O amor sum-
mus & transformatus. O amor
ineffabilis, benedict⁹ sis domine,
quia facis me intelligere quod
mihi natus es. O quā gloriosum
est istud scire, & intelligere, quod
ego videam & intelligam, quod
tu mihi natus es: istud intelligere
in veritate plenū est omni dele-
ctamēto, & suauitate. O admira-
bilis, quomodo sūt mirabilia my-
steria tua quæ pro nobis fecisti.
Secundū quod pro nobis fecit,
reddit nos certos de modo viuē-
di: nā natus est & incarnatus, &
vixit taliter, quod haberem⁹ præ-
sentiam documēti à Iesu Christo
nato de paupertate, dolore des-
pectu, quia in ipsis nat⁹ est, vixit,
& finiuit. Tertium mysteriū est
suæ mortis, quia etiā ad hoc na-
tus est, vt esset redemptio nostra,
& moreretur pro nobis. Quin-

que autem sunt consideranda in
ista morte Christi.

*Quinque
conside-
randa in
morte
Christi.* Primum declaratio & operatio
nostræ salutis. Secundum est, no-
stra fortificatio, & victoria cōtra
inimicos nostros. Tertium est re-
pletio, & superabundantia amo-
ris diuini manifestati per ipsam
mortem. Quartum est, quod nos
repleuit vna altissima, & euisce-
rata & profunda veritate: possu-
mus, enim per hoc cognoscere,
videre & intelligere, quomodo
Deus pater nobis ostēdit, & cla-
rificauit, & declarauit filiū in ista
incarnatione sanctissima. Quin-
tum est, quia per hoc possumus
cognoscere quomodo filius Dei
manifestauit nobis patrem, per
obediētiam quā seruauit in tota
vita sua vsque ad mortem crucis,
& per ipsam obediētiam respon-
dit Deo patri pro toto humano
genere. Fac me dignā ō increate
Deus cognoscere profundum a-
mōris tui, & abyssum ardētissime
tuæ charitatis. Fac me dignam

Et aliis myst. vsque ad Ascens. 419
intelligere ineffabilem charita-
tem quam communicasti nobis,
quando ostendisti nobis filium
tuū Iesum Christum in ista incar-
natione, & quādo iste filius tuus
manifestauit te esse patrē nobis.
O admirabilis amor, & iucūdus,
quia in te est omnis sapor omnis
suauitatis, & omne delectamen-
tum: & ita est contéplatio quę e-
leuat animam de mundo & facit
eam stare supra se & esse pacifi-
catam, & tranquillatā. Quartum
mysterium est in resurrectione,
in qua duo sunt consideranda.

Primum est, quod sua resur- *In Chri-*
rectio dat nobis firmam spem *sti Resur-*
de nostra resurrectione. Secun- *rectione*
dum est, quod facit nos cognos- *duo con-*
cere resurrectionem spirituales *sideran-*
quam deus facit per suā gratiam, *da.*
quando de mortuo facit uiuum,
de infirmo facit sanum. O altissi-
mum & inenarrabile, & inco-
gnitum, & ineffabile mysterium,
in quo adimplesti perfectionem
nostram, fac me domine dignam

420 *De vij. donis et al. myst. de Asc.*
cognoscere istud altissimum my-
sterium. Quintum mysteriū est,
Ascensionis. O Domine fac me
dignam esse capacem cognosce-
re altissimum mysterium Ascen-
sionis tuæ, in quo repleta est tota
salus nostra. O Iesu Christe tunc
posuisti nos in possessionē patris
tui, & nostri. Ista quinque myste-
ria sunt schola illorum qui sunt
veri scholares, schola verax ubi
discuntur ista quinque mysteria,
est schola cōtinuæ orationis. Fac
igitur me Domine intelligere,
& cognoscere supernam cha-
ritatem cum qua creasti me, &
redemisti. O incomprehensibi-
lis fac me capacem ad intelli-
gendum tuam inestimabilem,
& ardentissimam charitatem, &
illam euisceratam dilectionem
qua elegisti genus humanum ab
æterno ad obtinendum visio-
nem tuam, & tu altissime digna-
rus es velle videre nostram.
Fac nos Domine cognoscere
culpam nostram, vt effugiamus

pœnas quas minatus es ingratis,
& non recognoscentibus hæc
ineffabilia mysteria & beneficia
tua.

*Sexagesimum nonum capitulum. De
septem donis & beneficiis spiritua-
libus inter alia dona homini à Deo
donatis.*

POST ista locuta est de septē ^{septē do-}
donis siue beneficiis specia- ^{na à Deo-}
lissimis nobis à diuina bonitate ^{homini,}
collatis & dixit. O dulcissime do- ^{spiritua-}
mine fac me capacem ad intelli- ^{lia.}
gendum ista septem dona, quæ
nobis dedisti inter multitudi-
nem aliorum donorum tuorum.

Primum donum est ineffabilis
creatio. Secundū est, admirabilis
electio qua dignatus es nos eli-
gere ad gloriam tuam. Tertium,
est donū ineffabile quod nobis
fecisti, quando tuum filiū misisti,
vt nobis daret vitam. Quartum,
est donum altissimum tuæ boni-
tatis quando dignatus es me fa-